

Burgundiæ Comitatus.

Regio.
Sæuis.

Soli fertilitas.

Animalium va-
rietas.
Imperium maio-
rum.

Sequitur *Burgundia Comitatus*, sive *Burgundia Superior*, Francis *Franche Conté*, id est *Liber Comitatus*. Provincia namq; plane sub suo est Comite; ab omnibus, ut ajunt, Tributis & Exactionibus libera. Feudum est Imperii, sub protectione Bernensium Helvetiorum. Conregionales illi sunt ad Septentrionem Lotaringia Superiorque Germania; ad Occidentem Burgundiæ Ducatus; qua Oriense est, occurrunt Helvetii; qua Meridies, Allobroges & Segusiani. Longitudo xc, Latitudo lx est milliarius. Regio admodum fertilis, rebus omnibus ad victum necessariis instructa; Agerque Sementi faciendæ, Arboribus seren- dis, Vinetis Vini laudatissimi sustollendis, Pecori alendo commodissimus. Summa est ubique Tritici, Siliginis, Hordei, Avenæ, Fabarum, Milii, aliorumque Leguminum fertilitas. Arborum haud minor fecunditas. Ager passim præsertim qua umbilicus est & Regionis mediterraneum, Colles habet præstantissimorum, primæque nobilitatis Vinorum feraces. Apud *Arbosianos* & *Vadanos* Vasa Vinaria sunt adeo magna, ut Domos altitudine videantur æquare. Prope Regiam Veterum Burgundiæ Regum, quæ Accolis hodie *Chambrette au Roy*, ex Terra Gypsum, Materiam Calci similem, effodiunt. Eruitur ibidem & in *Dolano Agro* in Magnatum sepulturas Marmor candidi coloris, quod *Alabastrum* Græcis appellatur: & aliud nigerrimum, maculis purpureis variatū. Varietiam generis videre est ibi Animalia, magnamque Iumentorum & Pecudum copiam. *Gravellenses* Equos Gradarios, Canesque ejusdē tractus ferocissimos probant omnes. De Antiquis hujus Burgundiæ Comitibus, Stirpis etiam Imperatoriæ Francicæque, multi multa memoriæ prodant. Nuperi fuere. Comitis & Palatini Burgundici simul cum Ducatus, titulos primus gestavit *Endo*, cui successit Philippus ex Philippo Filio Nepos, quo sine liberis defuncto, Rex Francorum *Joannes* Ducatū Burgundiæ Filio *Philippo* qui *Audax* cognominatus fuit dedit, sed *Margareta* Philippo, Nepoti ex Sorore Ioanna succedens, Comitatum adepta est Burgundiæ; Huic successit *Ludovicus Malanus* Filius, Huic *Margareta Malana* Filia, Hanc Philippus Burgundiæ Dux cognomento *Audax* uxorem duxit. Huic ordine successere *Joannes* Filius cognomento *Intrepidus*, *Philippus Bonus*, *Carolus Bellicofus*, *Maria* nupta Maximiliano Austriæ, *Philippus Austriacus*, *Carolus* v Imperator & c. *Philippus Hispaniarum* Rex, *Philippus* Hispaniarum Monarcha. Comitatus iste in tres Diecefes & Præfecturas, quæ Baillivatus vulgo, Iuri facilius dicundo divisus est: *Superiorem*, *Inferiorem*, *Dolanam*. Primæ Sedes est *Vesuli*, Secundæ *Polichum*, Tertiæ *Dole*. *Dole* autem, Arce potens, totius Comitatus est Metropolis, reliquarumque Urbium celeberrima: ad Dubim sita fluvium, qui in duo hic brachia scinditur. Putant quidam Ptolemæo esse *Διδάρτιον* lib. i. cap. ix. Sequanorum Urbem. Nihil ibi earum rerum, quæ ad Civitatis splendorem faciunt, desideratur. Forum hic elegantissimum & spatiosum; forma quadrata, Longitudine tamen Latitudinem nonnihil superante. In parte Occidentali Prætorium est, cum Carceribus. Primarium Templum, quod pulcherrimum & admirandi operis, Deiparæ Virgini est sacratum. Sunt & multæ aliæ inter quas *Vesontio* vulgo *Besançon* urbs Imperialis, olim dicta *Chrysopolis*: sita est commodo fertilique territorio. Alduasdabis fluvius magna ex parte ipsam intersecat, ejusque potiore partem concludit, reliquam partem ad portam qua *Dolanam* itur, fluvius non alluit.

Noxerethum